

Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Ja mos chantars no m'er onors > Tradizione manoscritta > CANZONIERE A > Edizione diplomatica

Edizione diplomatica

image not found https://letteraturaeuropea.let.uniroma1.it/?q=sites/default/files/styles/330px/public/A%20%283%29_7.jpg&itok=wTMhcoiV	Bernartz de ventadorn. IA mos chantars nomen honores. En- contral gran ioi cai conques. Cades
--	--

image not found

https://letteraturaeuropea.let.uniroma1.it/?q=sites/default/files/styles/330_px/public/A%20%284%29_4.jpg&itok=PkMFqVHH

magrops si tot ses bos. Mos chans fos
mieiller que non es. Aissi cum es lamors
sobrana. P(er) que mos cors meillura esa-
na. Deuri esser sobrans lo uers q(ue)u fatz.
Sobre totz chans euolgutz echantatz.


Ai dieus cum bona fora amors. De dos a-
mics sesser pogues. Q(ue) ia us daquestz eno
ios. Lor amistat non conogues. Corte-
sia es molt trafana. Car ad aquesta
gen uilana. Fai conoisser semblan ni
amistatz. Car es cortes lo plus mal en-
seignatz.

Per merce prec als amadors. Chascus p(er)
se conssir epes. Del segle cum es enueios.
Eqan pauc nia decortes. Camors pois
hom p(er)tot senuana. Non es amors anz
es ufana. Et es enois uilania efoldatz.
Qui non gara cui deu esser priuat.

Si tot mes uergoigna epaors. blasmat
mer damor mas bem pes. Car aquest
lauzars no mes pros. Epuis mos conortz
non es res. Qieu uei que denien ma
pana. Cill que nom uol esser huma-
na. Ecar non puosc auer ioi ni solatz.
Chant p(er) conort cen uetz q(ue)u soi iratz.

Cunan sai qes delas meillors. E la gen-
ser canc dieus fezes. Mas tant a uan
cor edoptos. Qer ai lieis era non ai ies.
Q(ue)u ual aitals amors aurana. Qan ies
non pot una setmana. Us bos amics
ab lautr estar enpatz. Ses gran enoi
eses enemistatz.

Totz temps sec iois ira edolor. Etotz te(m)ps
ira iois ebes. Mas ieu non cre si iois no
fos. Com ia saubes dira que ses. Qieu
p(er) falsa lauzor humana. Pert ioi de
fina amor certana. Q(ue) qim meses tot
lo mon ad un latz. Eu preiral ioi p(er) cui

	sui enganatz. Bella dompna uostre socors. Mauria mestier seus plagues. Q(ue) mout mes mala aquist preisos. En camors ma lassat epres. A dieus qan malamen mafana. Qan so qem trahis emengana. Mauen amar sitot mi pesa omplatz. era sai eu qieu sui apoderatz. Messatgiers uai ten uia plana. Amon romieu lai uas uiana. Edigas li q(ue) lai fora tornatz. Si mos decor magues salutz mandatz.
---	---

- letto 468 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2137>